

meinen/ daß er so offte an einander den Ehe-
segen zwar bescheret vnd schen lesset/ aber bald
wiederumb entzeuhet vnd zu sich nimmet.
Denn weil wir alle Fleisch vnd Blut haben/
flagen wir leichtlich mit der Rebecca Gen.25.
Da mirs also solt gehen / worumb bin ich
schwanger worden. Und wann das Kreuze
lange weret/ vnd wil ni nachlassen/ so russen
wir mi: David Psal. 10. HErr/ warumb trit-
testu so ferne / vnd verbirgest dich zur zeit der
nothe vnd Ps. 13. HErr/ wie lange wilstu mein
so gar vergessen/ wie lange verbirgestu dein
Antlitz für mir: Wie lange sol ich sorge in mei-
ner Seele/vn mich engsten in meinem Herzen
räglich? Wie auch die Kirche Gottes bisweilen
anhebet zu flagen: Der HErr hat mich ver-
lassen/ der HErr hat mein vergessen/ Esai. 49.

Solcher schwachheit aber vnsers Fleisches/
vn der blödigkeit vnsers Herzens zugegnen/
sollen wir Gottes wort an die Hand nemen/
vn unter uns reichlich wone lassen/ damit wir
darauf erkennen lernen/ des Herrn Väterliche
willē/nach welche er seine Heilige also wunder-

B ii lich